

四庫全書

子部

欽定四庫全書

靈臺秘苑卷十一

北周 庾季才 原撰

宋 王安禮等 重修

東方七宿

中外官附

角宿

角宿距極去九十七度半係南星 星明太平 微小

不明王道失政 動搖移徙為幸行 月行中道民安

歲美無兵 犯則大人憂有獄事 木星犯之多疫

守則攻急臣戮歲飢 火星犯之有兵及赦貴人有憂

居而環繞勾巳有芒如劍刃行幸守則為戰宮中防

盜賊讒臣進政急帛貴 土星守后喜穀傷 潤澤則

為歲豐犯之亦為之有不臣犯守亦為兵火 金星犯

守天下大戰道路不通 木星守之萬物不成刑急水

災 久守為大水 芒守之色青憂赤旱白喪黑水

客星守犯大早有赦富民貧獄多 彗孛干犯兩角間

色白有喪起不戰赤則戰所至則有破軍侵城彗則占

其所指 彗字出之大亂王者惡之后黨恣亦為亂飢  
流星出入兩角間皆為大使出入 若抵而角不動  
臣欲而戮死 氣之蒼青皆憂疾赤國驚有戰黃則貴  
人親祠白戰不勝黑入右角亦然 氣如刀劍出角間  
宮禁有陰謀變患

平道

平道距西去極九十一度入角一度 明正吉動搖戒  
不虞木星守天下治隱士升火守之天下飢 客彗字

干犯守之車駕行 客守之又為賢人退

天田

天田距西星去極八十三度半八角二度 木星守歲  
豐 犯則人相食 火則大旱 金守穀傷兵出水守  
有水災 客星出入蝗蟲旱

周鼎

周鼎距東北星去極六十四度半 明則國安不見搖  
動就聚移國

進賢

進賢去極九十一度入軫十四度 明則賢人在朝不  
明則不肖者用 五星干犯賢者得罪死 流星有出  
入夷人來國用賢青黑色文士死

天門

天門距西星去極一百四度半入軫十六度 明則萬  
物歸化不見及火舍而進退若犯入而去復還皆為兵  
至關梁不通 火守則上失禮 金舍人主慎出入

平星

平星距西星去極一百九度半入軫十六度 星齊等  
闊狹居常則天下治萬物化訟平不則反是五星犯之  
皆凶 又曰木星犯法官憂火則火兵起 客彗守  
犯出入占如木 又曰政令不行國失紀綱流星出之  
出之臣出入則執政之臣憂若有罪

庫樓

庫樓距西北星去極一百二十三度入軫十五度半

衡北星去極一百二十八度 若天庫星明大芒角而  
繁則兵起車馬用 動則王者謀伐四夷庫中星不見  
大兵起無星臣下謀 庫中欲實吉虛則惡星生角則  
有兵一柱不具則兵少半出若全不具則自將兵 月  
入兵火起 木星犯守內兵作近臣謀 火入其下旱  
守亦如之及兵起 客星乘守入彗字守亦為兵水  
客入之又為兵飢流星入之天下虛兵盡出則所當之  
地受殃抵則主憂兵起 赤氣入如千尋槍竿主者親

征内外不安

南門

南門距西星去極一百三十七度八軫十一度 明則  
遠方來 微則夷狄叛 客星出有兵出 客彗孛守  
之外兵起

亢宿

亢宿距南第二星去極九十六度 明大則民無疾臣  
納忠天下安 暗則政弱 月犯之大人多疾有兵將

軍亡旗鼓其分將死亡地在其宿有變當省刑木星犯  
之臣為亂佞臣用有德令禾稼熟 守則歲飢小兵  
三十日以上有赦國豐 久守人多病火星守之天子  
惡之多旱穀不成土兵大起 久守則民憂 犯則亂  
臣人多病 若有芒角大人惡之及白衣會 居而勾  
己環繞宮室不安 土星干犯臣有謀諸侯失土 守  
則為兵疫 犯守之又為穀傷民飢流 金星犯守君  
自將兵 犯而芒角貴臣戮 水星守則其分米貴賊

盜民相惡 犯及守水災其分疫 容彗孛干犯國不  
安兵起政亂 客星出有使出 守則穀傷色赤憂旱  
彗孛出兵喪飢疫水災穀不成 流星出之寬恩清  
獄入則幸臣有殺外使來雨水調五穀豐 犯之軍府  
憂氣之入蒼民疫白瘡赤則廊廟有兵黃土功黑水  
災

攝提

左攝提距南星去極七十二度入亢七度 右攝提距

北大星去極六十七度入角七度 明大則三公恣君  
不明東向則天下安不東向為反衡天下亂起移近大  
角有謀仁道有虧則失恣疎闊 潛移則改政令 月  
犯臣專政則王者惡之 五星犯守兵起有謀 火守  
天下亂 客星出入占月 彗出主惑羣下爭起 孛  
則主自將兵 流星出有使出 干犯及冲九卿改動  
入有外兵入王庭 氣之入青憂黃受賜占在九卿  
黑則大臣戮

大角

大角去極六十六度半入亢二度半 色黃而不動天  
下大安 變色芒角為兵火 動則人主好遊幸亡則  
主惡之 月蝕亦然 犯凶戰不勝大人憂 五星犯  
守諸侯有兵起 客星出入謀臣在側而強恣 守則  
諸侯有謀 彗字出主改更 上失仁則彗字守之若  
竿而長六七尺天下亂國大變 字守之占同 客星  
出色黃而國泰民安 流星出之王者惡之 刺亦如

之亦曰貴人死兵起邊庭 抵之將有出者 犯及觸  
四方兵起發而光色耀貴大將破 青氣掩君憂 一  
道如十尋槍冲過者殿梁折 黃出國喜 白掩大喪  
黑久而散人主惡之

玄戈

玄戈去極三十九度入亢四度 微則吉 明則兵起  
芒角動搖外夷兵興或移徙則退

折威

折威距西第三星去極一百三度入亢三度 守常則  
吉 月犯上無威 五星彗孛守犯邊將戮

頓頑

頓頑距東南星去極一百一十二度半入亢四度暗則  
刑濫 客星彗孛犯並為貴人下獄臣戮

陽門

陽門距西星去極一百一十三度入角十度 明則無  
侵掠 暗則寇犯塞 五星客入五兵藏 彗孛守及

赤氣入邊兵用

氐宿

氐宿距西南星去極一百四度半 明大則臣奉法度  
君安民勞微小則臣失勢 暗則臣不奉法而有謀動  
則役起 月干犯兵起將憂 犯而有變盜賊興入之  
兵動 木星犯之蝗蟲萬物不成 入則有赦環繞而  
留其分有兵 守則年豐立后若后有喜 火星干犯  
多水災 若成句已大人憂天子惡之守之成句已亦

然赦 久守六十日亦赦 乃入之宮中慎火臣有謀  
土星犯守其地亡守之有德令土工興太后皇后太  
子喜歲安色赤為疫四夷不順在其宿乃光大黃潤后  
有喜或米暴貴 金守犯徭役興君憂無兵兵起有兵  
兵罷 守又為其下飢將受爵賜 犯又為郎將誅若  
有芒角兵喪亡地 入則霜不時春糴貴人役 水星  
入之貴人暴法官入獄歲旱不收 守則兵起多惡風  
水旱萬物不成 若乘左星天子將兵右則大水兵起

客星出之黃乃有赦 犯乃其分憂 水守有德令  
布帛羊貴穀不登邊兵起后宮亂入之邊臣獻女 入  
中而散中外不通大臣恣 彗字干犯之有赦 犯之  
為臣有謀人主惡之糴貴 入之后宮暴兵起 流星  
出之使出宣布德令 犯則藏書官有憂事 入之后  
宮喜國相佞病飢 色赤黑后宮不安白則有災 氣  
之入蒼白有大疫 赤內兵作黃白土工白而不散后  
宮憂 黑為水災

梗河

梗河距大星去極九十五度入氐三度 變動以應兵  
喪星亡則有兵誅 連陰不見其分有喪 客星出守  
陰陽不和大風干犯則凶奴來侵 彗孛出則敗去  
守之如客占又為邊兵入寇 流星干犯王者出兵  
氣之出赤大戰 蒼白為將死

招搖

招搖去極三十一度入亢四度半 與標星梗河北斗

相直則夷狄受命 暗而不明敵不臣 芒角動搖亡  
去皆兵起 彗孛干犯蠻有喪及兵動 流星出之所  
向有兵起 氣之出蒼白相死 赤曰兵起黃兵罷君  
喜 白乃大人憂

帝席

帝席距東星去極六十七度入氏一度半 明則吉動  
搖微暗凶 亡則為失臣 彗孛守人君憂又為兵亂  
天乳

天乳去極九十一度入氐十四度半 明則甘露降客  
彗字干犯守天雨爵賜

亢池

亢池距北星去極七十度入亢三度 常則吉微細  
移徙則凶 不在亢度中則宗廟有怪亡則道不通  
五星守犯百川溢 客星守之宗廟有道水蟲死

騎官

騎官距西北星去極一百一十二度入氐初度 星聚

天下安稀則騎兵叛不見則兵起又衛士憂而兵容慧  
字流星犯守及流星入之兵起 蒼白氣入將死大臣

黜

車騎

車騎距東南星去極一百四十度入氐二度 星變色  
動搖則兵行於道路 金火客彗孛干犯大兵出天下  
亂 客星入西羌降

陣車

陣車距東星去極一百一十三度入氐四度 五星守  
之變動皆兵

騎陣將軍

騎陣將軍去極一百三十三度入氐三度半 星明大  
動搖則將盛兵出 微暗則將亡兵亂 靜則吉 金  
火干守為兵 客彗孛尤甚

天輻

天輻距南星去極一百一十六度半入氐十一度 星

近則天下有福 明潤則車駕安動搖則車駕行五星  
客彗字干犯輦轂不寧

房宿

鈞鈐附

房宿鈞鈐房距南第二星去極一百一十四度半 明  
大則君明臣忠天下太平 暗則臣亂政王道不行  
動外則財寶出動內財寶入 七政之占行中道主壽  
長天下豐年 由角極陽道為兵水 月在其宿有變  
名寶駟馬出時令不順 月五星犯守皆為將相憂

又曰木犯之歲豐民安有德令豫州災 守則大赦天

下和平 入則成勾已天子惡之良馬出 火金干犯

將軍亂王者憂 入占色青喪赤兵白芒角為火黑將

相死 若犯而色怒芒角兵大起改正朔秦燕趙代憂

守則更政有德令臣亂兵起 守而勾已環繞勾已

不安其居 土星犯守有喜或赦成勾已相凶 犯之

又為后憂 守之為地動兵旱立后土工興宮室數移

金星干犯君有憂 占其色青及白而芒角皆喪赤

兵黑將相死守之土工起帛貴將相失位 久守為飢  
入房十日成勾已天子憂以赦解之 水星干犯皆殃  
犯而留守為水 入而成勾已占如金 守則大臣乖  
憂滂邊兵起而散 容慧字犯之國空民飢 慧字又  
為失德臣有謀兵起世亂有德令馬貴 流星出之恤  
民有德令 犯衡為水災抵乃將相出鎮入則大臣入  
賀國昌或為喪入而蛇曲輔臣亡 氣之出將相憂  
赤則宮中亂若如波宮焚出之兵 氣之入黃諸侯來

貢 赤黃潤澤黑貫入其間諸侯有使來黑出之宮中  
憂 有雲如人形入后妃有子 鈎鈐距東星去極一  
百九度半入房二度半 明則王者至孝近房則人心  
同不則反是其間有星及踈折則地動河清月火金犯  
之王者憂月又為車駕行食則將死 木守為飢相去  
二寸王者失政近臣起亂 火守有德令 土則失土  
水乃地震山崩 客彗孛干犯宮庭失禁流星入之  
兵散

鍵閉

鍵閉去極一百八度入房四度 明則王道昌不則宮  
門不禁津梁阻 月犯之大人憂及火災 五星犯戒  
行幸有匿兵 客彗孛守之道路阻 流星入有口舌  
中宮大臣災

罰星

罰星距西南星去極一百八度入心一度半 正直而  
列則法令平 若曲而斜則刑法不中 客彗孛守犯

國政多枉

東咸

東咸距西南星去極一百一十度入心一度 明吉暗

凶 又曰行則勻明天子吉子孫昌 近鉤鈐則讒臣

入飢占同西咸

西咸

西咸距西南星去極一百四度半入氐十五度近上及  
動搖則奸人為害餘同東咸 月犯之失禮民飢又為

陰謀 五星犯守占同又曰臣下不從 客金彗孛干  
犯守流星抵之后宮恣宮門不禁貴女憂流星犯冲大  
水川溢出入則闡出

日星

日星去極一百一十三度入氐十四度半 明大則君  
有德 月犯掩下謀上 木守之王者與天同心臣忠  
天下昇平 金火守犯人主惡之 客彗孛則君惡之  
從官

從官距西星去極一百一十二度入氐十四度 星大而明 五星客彗孛干犯並為巫人搆亂 氣之入占在巫人黃受爵黑戮

心宿

三心距西星去極一百一十四度半 若天下有變心星見不祥 大而赤明德服天下暗小失色微弱不能明 動搖變黑大人憂 直則主失勢角而搖動兵起 離則人流 前星不明太子不得立 後星明庶子

立皆光明亦黃有慶 月犯之大臣憂犯中火星人主  
有憂太子庶子星各以其所主為憂在宿有變大將易  
刑罰失中 木星犯乘守之歲豐平久守臣有謀 火  
星干犯大人憂物不成民流土工興民憂 火犯守則  
地動王者忌之勾已環繞災尤甚 土星干犯旱飢民  
疫大赦 守之太平大人喜慶益地又為土工若行勾  
已環繞其地亂 金星犯守兵興糴貴殃在貴人 守  
則又為臣叛其分憂水星犯守大水帛貴內外亂明當

則大人憂當之在陽為燕在陰為邊不明地動大雨

又犯則兵旱民流守乃盜賊賦役興 客彗孛犯守大

臣有謀天子憂客星出之君使人於諸侯 犯之修飾

臺榭 守之飢喪火災土工興 彗孛犯守出之兵喪

民流蝗起大臣相疑下有謀 流星出之遣使邊場也

犯抵大臣相賊入則王者憂之及外國使來 青色

占憂赤兵黃喜及土工白喪黑凶 青氣出之天子使

人之諸侯赤入之有立王 黃則子孫喜 前星則太

子受賜庶子亦如之 白入之亂臣在側 蒼白及黑  
各以所主為憂

積卒

積卒距西北大星去極一百二十六度半入氏十五度  
微小吉明大則有兵 星亡皆為兵起一星少出二  
星半出三星盡出 五星出金革興不則近臣謀 彗  
孛守之禁兵大起天子將兵 青赤色雲氣入之正臣  
欲論列兵事發

尾星

神宮附

尾星距西第二星去極一百二十七度 星欲明大小  
相承則后宮有嗣子孫蕃五穀豐 微暗后有殃五穀  
傷 動搖則君臣乖天下亂 就聚有水災踈遠后失  
勢 月犯之臣不和貴戚其地將死若有變后宮子孫  
不安 木星犯之燕地飢 守之水旱又曰犯守皆為  
糴貴 守三十日以上立后或生太子守而成勾己女  
后憂之 土星犯守占同又曰妾為夫人火久守多妖

祥后妃恐 土守及犯其色黃后有喜 守而芒角動  
搖易政兵起 金火干犯民憂留守之后妃宮嬪或貴  
人相憂又為兵起守其分水災 水星犯之天下水江  
河決 守之亦為水又曰下賤貴民疫后宮憂 客星  
出大風水災后宮惡之兵革亂散民飢民死 守犯則  
女暴貴 彗孛干犯后相貴臣有咎兵起宮門 流星  
出入風雨時稼穡成出則又為使人于諸侯后宮喜入  
則反是一日出則有子孫之慶入則后族進祿抵之后

妃有喪 氣之入蒼則舊臣來 赤則諸侯來 青則  
外國降白則大臣在殊方欲歸 青氣出為亂 神宮  
去極二十七度半入尾六度

天江

天江距南第二星去極一百一十四度半入尾十度  
星明天動水溢兵起不具津梁不通參差不齊馬貴多  
死 月五星犯守及流星出入皆大水 又日月犯為  
兵 容慧孛尤甚一云火星犯守大旱 氣之入青多

水滂黃兵白罷 氣之出赤則車騎滿野黃白天子用  
兵

傳說

傳說去極一百二十八度半入尾十四度 明大宮中  
多祝禱而子孫暗小反是 動搖則后宮不安亡則憂  
繼嗣微 居尾下則咒詛巫醫為害 孳孳守之不享  
宗廟 赤氣入祝官凶

魚

魚去極一百二十六度入尾十五度半 明大則江河  
溢 若大而不明則陰陽風雨時 動搖則暴水移徙  
出河則大魚死赤為旱 五星犯守皆凶又曰火上在  
陽則旱陰為水 氣之占與天江同

龜

龜星距大星去極一百四十度半入尾八度半 星明  
則君臣和不明則上下乖 不居漢中則川溢火犯大  
旱 守之火起又曰守之為水 去之赤地千里 客

星入之為小憂 流星出之赤兵黃旱青黑為水各占  
其分 赤氣出之巫祝者憂

箕宿

箕宿距西北星去極二十一度半 星明大則歲豐國  
無讒佞不明則歲儉 細微就聚天下憂動則蠻夷來  
口舌動不出三日有大風雨 移徙則民流宿中星衆  
則天下安少則反是而糴貴 月犯之旱風占如上軍  
相死 入中亦然又曰后憂后宮干政法令酷 在其

宿有變暴風雨作 失行離之則為風凡月犯箕壁翼

軫皆風起 木星犯守旱飢多惡風入之中宮口舌

火星入旱災人主惡之 守入亦然又為改移地動燕

地君長病 犯則東夷燕人疫死 環繞勾己大臣誅

土星犯守女后憂 守則又為兵喪黃水土工興后

貴人大喜 金犯之后喜守則兵疫旱風 水星犯之

河溢守而動色青臣自戮 犯守之又為火旱物不成

凡土星犯守金星若入中水星犯之皆為赦 客星出

之大飢大臣有見棄者宮人出 入之多風雨宮女不  
安外使來民流土工興北方飢棺木貴 守之土工興  
秋冬多水 彗孛出犯守為夷狄作亂大旱兵起 流  
星出之宮人有出者交對抵之宮人不安 入乃有風  
雨 若色黃為大臣出使蠻夷來 氣之入蒼白黃蠻  
夷入貢及女喜 黃色則宮人多死氣之出蒼白國災  
除 青則占其分不爾四夷來降 黃則使出

糠星

糠星去極一百二十七度半明則歲豐暗則飢去  
則人相食

杵星

杵星距大星去極一百三十八度入箕三度明縱為  
豐箕橫明則飢動則人失釜甑移徙亡沒皆為歲荒  
五星守之尤甚客星彗孛干犯天下有急兵

靈臺秘苑卷十一

欽定四庫全書

子部

靈臺秘苑卷十二至十五

詳校官中書<sub>臣</sub>李采

靈臺郎<sub>臣</sub>倪廷梅覆勘

總校官編修<sub>臣</sub>王燕緒

校對官教習<sub>臣</sub>倪廷梅

謄錄監生<sub>臣</sub>程世英

欽定四庫全書

靈臺秘苑卷十二

北周

庾季才 原撰

宋

王安禮等 重修

北方七宿

中外官附

斗宿

斗宿距西第三星去極一百十九度 星明則太

平而主壽 不明失次芒角動搖則國失忠臣民

多怨兵起 暗而離析君臣俱禍 月犯風雨不

時臣將出不測死女后憂 在其宿有變臣更主  
令又為易相近臣死 入魁大臣太子辱宮中有  
賊一歲三入有赦 木星入犯守皆為赦 犯則  
又為火臣逆憂守乃占同而大臣受封 經其宿  
得度而色光明潤澤國昌歲豐 若有變失節其  
分憂 火星干犯丞相有事有赦破軍殺將道路  
不通多火災暴兵作 守之為賊亂及兵旱火糴  
貴若久之災其內之外有謀吳分兵起 土星犯

守先水後旱 又曰守之國多義士大臣有黜 久守  
其分福或臣動入中貴人相死 金星犯守為兵 又  
守則戮臣叛入乃天下受爵祿將相黜或有逆謀外國  
使來 水星犯守之臣謀其分兵饑 守則斧鉞用水  
災穀傷 客彗孛干犯王者有病諸侯不通下謀上易  
政 客星出使人之諸侯 色青為憂赤兵黃土工白  
喪黑凶 入則外國來降獄官入疾五穀不成民相攻  
多盜諸侯謀宮廟火及兵憂 犯則其下必亂 守則

盜興五穀 彗孛出入臣下謀亂圖議其分亂 流星  
出之則赦使出也 色赤或如火色炸皆大臣死 入  
則蠻夷來貢大臣來賀 犯則宰相憂氣之入蒼白多  
風赤則旱或兵起宮廟憂火 白為雨 黑則廟有憂  
若掩主病宜赦解之 黃白潤澤諸侯客來朝出則使  
諸侯

建星

建星距西星去極一百一十二度入斗四度 若星動

則民勞 月五星干犯大臣相謀 木水火守之諸侯有  
謀歲水民饑 貴人死 五星守在陽田宅賤 金則  
外國使來 客彗孛干犯上失道不納忠賢士逃 又  
曰客星守之道不通多盜 流星入之天下謀 赤色  
者昌犯王道不寧

天弁

天弁距西星去極九十九度半入斗初度 明萬物興  
暗則萬物無 若近見星明大動搖則女樂進 月

犯之糴貴 客彗守犯守亦如之 若久守則囚徙兵起

農丈人

農丈人去極一百二十四度半入箕六度半 明則歲豐 暗則失產業 移徙及亡皆為饑 客彗守守之與暗移徙同占

天籥

天籥距西星去極一百一十四度半入箕初度 明吉

暗凶 不具則闢籥無禁 彗孛守之關梁塞

天鷄

天鷄距西星去極一百一十度入斗十六度半 星不  
依常鷄多夜鳴 亡則失於伺候 明則有赦 金火  
犯守兵起 土星則民流 客彗孛乃水旱失時 又  
曰客守之占如變常 流星觸犯干戈動

狗星

狗星距東大星去極一百一十八度入斗一十二度

星不依常則戒守衛 動搖則庶臣為亂 火守天下  
旱驚 客守禦臣作亂

狗國

狗國距西北去極一百二十度入斗十八度 明則邊  
寇起 不明則安 不具則天下有大盜 月犯之烏  
桓鮮卑之種地亂 五星犯則夷憂 火守東夷兵起  
金守烏桓鮮卑之地受兵 客星犯占如不具 入  
之其主來貢

鯨星

鯨星距東大星去極一百八十度入斗五度 不居漢  
中有水災 亡則有喪 大為旱 水守為水 又曰  
五星守之白衣會 客星守之有水令 流星犯之水  
野殍死魚大貴 青黑為水赤黃旱視其所沒之處以  
占地 雲氣出之占同 若赤黑氣入之占如五星守

天淵

天淵距中北星去極一百二十九度入斗七度 若星

動搖不居常則滂 月行其中臣近主 五星守客彗  
孛犯皆為天川決河溢 又曰火入守大旱 流星入  
之魚出

牛宿

牛宿距中大星去極一百八度半 星明大則王道昌  
關梁通或牛貴 怒則馬貴 不明失常穀不登  
直則糴賤曲則糴貴 時則占細為賤動為災災亡及  
中星移為死遠漢為貴入漢中為疫 月犯其下有憂

將死牛馬及穀貴犧牲死 灾在其宿有變犧牲事之

四足殃疫關梁不通將有農令 木星干犯吳越來貢

入則貴人及小兒多死歲多寒臣有謀民饑虎害人  
守則陰陽不和萬物不成民病人死六畜賊牛疫

火星犯守諸侯多疾破軍殺將臣有謀 一云守又為

兵起牛車用將死牛貴有犧牲事臣謀穀不成收大人  
有疾 入牛中四月越地君長凶糴貴 土星犯守有

土工事 守則又為大赦多雨雪人民牛馬疫其分多

忠臣義士天下有急令 金星犯守諸侯不通妖言無  
益又曰將軍失眾其分凶 守則地氣泄城中多死  
入之天下失車用 水星犯守破軍殺將有謀人多死  
又為殺不收關梁不通又為牛疫多水其分憂 客星  
犯之有犧牲事 守之越地起兵又為來獻牛馬貴江  
淮多盜歲多水 入之諸侯客來 出則占如斗又地  
動牛馬貴三倍 彗孛出之改元糴貴牛死又曰天下  
合謀人主憂 客彗孛干犯越地兵自攻 流星出之

色赤將出如星所之以占四方 入將受命黑色牛馬  
疫黃則昌盛關梁不通 干犯則王欲改事及將出  
氣之入黑牛多疫死黃白蕃息 赤為兵

天桴

天桴距中大星去極九十四度入斗二十四度半 不  
明則漏刻失時 若前近河鼓或相直動搖及金火守  
之皆為桴鼓用 客星干犯占如不明

河鼓

闕

金史口唇全書

卷十二

左旗

左旗距西大星去極八十三度入斗二十二度 星直  
而明潤將軍能應用 曲不明將失計 芒角將軍凶

猛 動搖差戾亂兵起 月犯軍敗亡 火星則大將  
起兵 五星彗孛干犯守之占如右旗 客流星出之  
兵出入之兵入 流星干犯兵起諸侯作亂 入之大  
將亡旗鼓 氣之入黃白天子喜赤兵起出則戰勝  
青黑入皆占在將青憂黑失地 入則大衆行 氣之  
入黑及蒼憂水赤旱黃有德令

右旗

右旗距東大星去極八十八度半入斗十五度 占與

左旗同

漸臺

漸臺距東南星去極五十八度入斗十度 明則陰陽  
調而律呂和不明則反是 客彗孛干犯守之陰陽垂  
戾 流星犯宮庭火

輦道

輦道距西北星去極四十七度入斗一十一度半 明  
而列則衢路通 火星守之御路兵起 流星出犯天

子遊獵

織女

織女距東大星去極五十二度入斗五度 星欲明王者孝通神明則星明而天下和平 暗而微則女工廢

大而角星怒布絹貴 一星亡女病或兵起 月犯

之女后憂 火客守之同占又曰絲帛貴 客彗守干

犯后族亂人誅 又曰彗出之女黨行政 有星守之

為女喪 流星出之布絹貴 入之水灾或盜 干犯

冲入占如月 氣之入占在女子蒼白憂疾 赤兵起  
黃有進女 黑病死

羅堰

羅堰距北星去極一百九度入斗四度 暗則吉 明  
則百川溢 馬被水淹 客彗孛干犯大水暴起

天田

天田距西北星去極一百一十六度入斗二十三度  
明則耕農及時 微暗及客彗孛守之農失業 又與

角比天田同占

九坎

九坎距西大星去極一百四十一度半入牛初度 星  
明盛有大水 微小則吉 五星犯之江河溢 客星  
犯天下憂 流星衝犯王者憂后崩 氣入青旱黑則  
百川溢

女宿

女宿星距西南去極一百四度半 星明則民豐國富

女功昌 暗小則國虛 動則有嫁娶出納裁製之事  
月犯之女子多疾及女惑 犯而有變布帛改易貴  
賤女工令 一日月變須女有嫁娶事兵不戰而降

土犯美女進后妃喜宮中為賜 守則女喜歲多水糴  
貴民有大災其分饑喪人多凍死 火星犯國多妖不  
祥大臣當之 守又為女喪民病政急后病宮中火災  
布帛貴 入亦如之又為天子納女工 土星犯守人  
民相惡有女喪又為后喜且專政賤者暴貴山水壞廬

多妖女及土工入之君有喜 金星犯之布帛貴兵起  
入之有女謀金帛出有女多寡犯守同占又為嫁娶  
事 水星亦為娶事不爾外國進美女或為水災帛貴  
又守之后夫人憂 客星干犯有亂 守則糴貴宮  
人憂 又犯守美女進賤暴貴及兵起出入皆為嫁娶  
事 彗孛出入王者惡之其下憂 干犯則占同客星  
流星出之女御為使 犯入則天子納女 抵之貴  
女下獄 又出色亦妄死黑女功死者 若潤澤為入

后 氣之入黃則女后有慶 黃白有嫁女事 赤兵  
死白疾黑喪皆占婦人

離珠

離珠距東北大星去極九十五度入牛六度 星非其  
故則后宮府藏有移 五星客彗孛犯後宮為亂若宮  
人有罪 流星入之宮中兵起

敗瓜

敗瓜距南星去極八十二度半入牛六度 占如瓠瓜

瓠瓜

瓠瓜距西星去極九十七度入女初度 明大潤澤歲  
豐 暗則果菜不登而后失勢 不具及移徙動搖皆  
為賊王者以瓜菜為敗 非具故則山谷多水 五星  
干犯大旱 客星干犯大旱 客星出之以果實賜諸  
侯 犯入同占又為遊兵不戰 守之占如非故 入  
則魚鹽貴獻食之官憂近臣辱 流星冲犯天下不安  
氣之入蒼白果木不可食 黑亦如之政憂 赤天子

攻城 黃以果賜諸侯

天津

天津距西稍星去極四十七度入斗二十三度 一星  
不具關梁不通 星明動則兵起 又色微而參差則  
為貴妃疾若移徙或七河水為災水賊稱王 客星守  
之入之皆為大水 流星出之有使出隨星出之處占

奚仲

奚仲距西北星去極三十八度入斗十八度 金火守

兵大起

扶筐

扶筐距北第一星去極三十二度入斗八度 星明則

吉 不明則女功失業 暗及移徙農蠶不收絲綿大

貴 客彗孛流等星干犯同占

十二諸國

十二諸國趙距西星去極一百二十三度入牛四度

越去極一百二十四度入牛四度 周距西星去極

一百八度入牛六度 齊去一百二十八度入牛六度  
鄭去一百二十三度入女一度 楚去一百三十六  
度入女二度半 秦距西星去一百六度入女三度  
燕去一百二十八度入女四度 魏去一百二十一度  
入女四度半 代距西星去一百十六度入女六度半  
晉去一百二十八度半入女八度 韓去一百二十  
三度入女八度少 其星有變及五星客彗孛干犯各  
以其國占

虛宿

虛宿距南星去極一百度半 靜而明天下安 不明則旱 搖動有井田之法及喪欺糾上下不比享祀失禮 月犯兵起有陵廟事空邑復起其分憂將死 其宿有變土工作外軍饑 木星犯圍乘守宰相凶有德令 犯又為王者惡之天下饑 火星干犯流血滿野 守則將叛旱災萬物不成女子多厄有土工兵火起 入而勾已大人憂戰不勝 又犯之守七月齊分君

災憂不則相凶 土星犯守有赦德令行又守則風雨  
不時旱風米糴貴大臣為亂人多不安妖言 金星干  
犯為喪政急 有芒角臣有謀 又守犯之有兵不多  
孤寡 水星干犯春旱秋水五穀不成其分政急多水  
災 守亦為水物不成若角動色青臣欺君國兵喪  
客星守其分兵疫 犯之糴貴 守犯又為哭泣事  
出則使人之諸侯其分有喪 入則有井田之法改制  
之事軍離散 又出入君自將兵 凌犯環繞勾巳國

憂兵亂 彗字出犯為兵喪亦占其分彗字所指其地  
必亡 流星出之貴人求醫重臣出使 入則其下兵  
聚 又曰出入之於相光潤澤則受賜黑死黜 氣之  
入白蒼哭赤則大哭黃蒼喜慶白則使客來黑則水為  
憂 白以喜祀宗廟出之為享祀

司命

司命距西星去極九十二度入虛三度 蓬星出之五  
者憂疾妨妖惑

司祿

司祿距西星去極九十度入虛四度

司危

司危距西星去極八十五度半入女八度

司非

司非距西星去極七十九度半入女九度半其命祿危  
非皆占在天子以下壽命爵祿是非安危之事 明大

為災 居常則吉

哭星

哭星距西星去極一百一十七度半入女九度 月五  
星客彗孛干犯皆主喪 流星出入大臣出入

泣星

泣星距北星去極一百四度半入危二度 占同哭星

天壘城

天壘城距西星去極一百二十六度入虛初度 金火  
客星守入夷人死塞 赤氣掩入北夷驚滅大疫

敗白

敗白距西北星去極一百三十九度半入虛八度一  
星不具民亂貧 不見則人流 五星入之禍殃作  
客彗孛干犯人相食 黑氣入主憂

離瑜

離瑜距南星去極一百二十八度入女九度 星微則  
后宮儉約 明則婦人奢縱 客彗孛干犯後宮無禁

危宿

墳墓附

危宿距南星去極九十六度 星動不明營宮室土功  
兵革興 月干犯大臣及其分有憂將死興治樓臺又  
為兵喪來年米貴 在其宿有變將相有哭泣死喪墳  
墓動衆之事 木星干犯守之更宮室及土功興又兵  
喪 又守則民勞多盜民相惡 火星犯之越亡地

守則國憂兵叛疾疫宮中火災春旱秋澇久守近臣叛  
犯守皆為大赦 土星犯守皇后憂兵喪並起土功  
興 又守為水旱民疾祠祀不恭 金星干犯無兵兵

起有兵兵罷穀不成多火災 守則旱火民多癰疽之  
疾將軍憂 又犯守之天下多急事國憂兵加民流亡

水星犯守大臣刑法官憂其分災 又守曰皇后有

疾糴貴兵喪並起 客星出犯之多雨穀不登及哭泣

則土工興營宮室王侯死國敗饑荒 若留守成勾已

君惡之又云建宮室立王侯 彗孛干犯其分有叛者

兵起將出之易政糴貴大水 流星入其下不寧下有

謀 抵則地亡交秋兵犯則有祭祀事 黃潤出入國

安歲豐土工興陵廟有水大臣災 氣之入蒼白若赤  
皆為土工興功營造事 白兵青憂 蒼則憂損屋  
黑有喪赤氣出火災黑下有水若哭泣 若黃而出之  
國有喜 坟墓距中星去極九十六度入危五度 星  
暗小移徙不見則山陵不安 動搖及五星犯守皆為  
喪流星出入有喪事

白星

白星距南星去極六十九度半入危二度半 仰則歲

豐覆則儉 若杵臼不相當軍士饑 餘占與杵同

杵星

杵星距南星去極六十一度半入危三度 守常則吉

若不具不明動搖移徙離折與臼不相當皆大饑

客彗字守犯亦如之

造父

造父距南星去極三十八度入危十一度 明則喜

亡及動搖兵起馬貴 客彗字干犯兵革動廐馬出

車府

車府距西第一星去極五十六度半入虛四度半 動

則車馬出 火金客彗守干犯守之兵車動

鈎星

鈎星距 大星去極二十四度入危初度 星明明則

服正 若非其故 彗守干犯五星守之或直皆為地

動

人星

人星距西南去極七十度入虛六度半 星亡則有偽  
詔及婦人之亂 若星芒則天下有縱民不具則王者  
有子孫 客彗守干犯守之人多疾或民亂 有星入  
之天下有詔符傳相驚

蓋屋

蓋屋距西星去極九十七度入虛九度 星動有板築  
之事 五星守犯國兵起 客彗守尤重

天錢

天錢距東北星去極一百一十八度入危三度 明則  
庫藏盈 暗則虛耗 金火守之兵盜起 客彗孛干  
犯庫藏有賊火

虛梁

虛梁距東星去極一百度半入危六度 星動搖則陵  
廟壞或築 金火干犯兵起 客彗孛同占又主大凶

室宿

離宮附

室宿距南星去極八十度半 星明而靜則國昌不明

則禱祀不享 動則兵出土工興 室壁為四輔各有  
二星二舍也欲其正實正由方也實則中多小星四輔  
不正則輔臣不忠二舍不實宮女咨后宮怨 月犯之  
宗廟毀宰相憂土工興有哭泣王自將兵在其宿有變  
臣亂兵在外敗 木星干犯得地歸與民爵 守之修  
宮室土工興野滿宮中火災民疫 火星干犯兵戰歲  
不收 守之水旱大疫宮中不和或病死 若久而成  
勾已大臣陰謀兵起入宮勾已環繞天子出幸 土星

干犯其下有兵出入用斧越貴人憂 守之有爵封益  
地關梁不通土工興后夫人有憂 久守大人惡之以  
赦除咎 金星干犯五寸許政令不行 守則兵罷國  
喜又夫人忌之防察親近 久守兵革滿野 乘守勾  
已逆行往來宮妃廢或大喪宮人咨 水星犯守掩閉  
其分水災 又守則西北兵動深宜守備 客星守之  
城郭壞不利先起兵君使人於諸侯 赤占兵白喪黃  
土工青憂黑凶 犯則王者憂之 守之不利出軍多

陰雨彗孛出之大亂易政大水 干犯先起兵者弱戰  
必亡地將戮 見其宿中後宮亂有德令 流星干犯  
軍乏糧 出之有使出 犯之人使自他邦來亦占兵  
黃白土工 黑喪青憂 其色潤澤出入國安歲豐民  
欲有廟享慶賀之事 氣之入兵起 雜雲氣在其宿  
中民暴疾 雲潤澤如日月男子之祥 離宮星動搖  
土工興不具則君憂 月宿之君數移寢處 金干  
犯成勾已環繞皆為兵起 客星出之犯為喪 彗孛

干犯宮室有修除事

雷電

雷電距西南星去極八十七度入危十二度 明動則  
雷電作 流星出入為風雨不出七日 又曰赤色旱  
清白雨

騰蛇

騰蛇距中大星去極四十四度少入危九度半 明則  
不安微則安 移徙南旱北水 客彗孛犯守為水災

又曰守之天下怨 流星入之水旱兵喪冲之口舌起  
魚鹽貴龍見

土公吏

土公吏距南星去極八十五度半 動搖有板築之事  
金火犯守兵起

壘壁陣

壘壁陣距西第一星去極一百一十五度入虛初度  
明則國安非其故則兵起破軍殺將 亡則兵盡出

五星逆守留凌犯變色勾已客星入之皆為兵起 火  
金水尤甚 客星干犯邊將死 流星入而色青南則  
后憂北則諸侯憂 赤黑東則后有謀西則太子有謀  
黃白諸侯受賜

羽林軍

羽林軍距大星去極一百一十七度入危十五度半  
星而聚則國安稀而動則兵出 其中無星則兵盡出  
不見則天下大亂 月五星入犯皆為兵起 五星

若退留變色成勾已者兵革大興 火金尤甚 火星  
留二十日已上大人當之 若芒角色赤興兵者客  
星守之及戊巳日旬始見其中兵大起入而色黃白天  
子喜色赤臣叛 彗字出之大人謀逆 流星出其禁  
兵受賜 犯則兵起士卒散軍有出者 其入之與壘  
壁同占 氣之入蒼白入南后憂北則諸侯憂 黃白  
后或太子有所獻 黑則太子諸侯憂

斧鉞

斧鉞距北星去極一百三十度入室二度 星不欲明  
明動則斧鉞用 移徙非常夷兵起 月五星彗孛犯  
守皆為臣下將死憂誅彗孛尤甚

北落師門

北落師門去極一百二十六度入危十一度半 大而  
明則國安 微小芒角月五星干犯皆兵起水火甚之  
客彗孛干犯守之光芒相及覆軍殺將邊兵入塞  
流星入抵皆為兵候 氣入蒼白疫赤兵黃白喜及使

出 黑則邊將死

天網

天網去極一百二十九度入危五度 動搖則兵出入  
不常 彗孛為兵起

八魁

八魁距南大星去極一百三十九度入壁四度半 動  
則禽獸多羅網死 火金客彗孛犯守皆為兵起

東壁

東壁距南星去極八十度半 星明則王者吉國多君子 暗及失色大小不同尚武事經術圖書廢 動則有土工 雜徙就聚為宅事 月犯之大亂民饑多死 其分憂及土工在其宿有變孕婦多損近臣憂 月宿之不晦冥而有風雨 木星干犯水傷穀 守則有赦 國有賢人天下安 久守凌犯勾已夷狄侵擾 干犯若是火星則衛地憂不則相凶 守乃兵火土工歲惡 賢者退之 若守而光明潤澤則凶 土星守犯君安

國昌圖書興天下豐平 逆行勾已其分土工興 金星干犯火災 守之有軍不戰大臣嚮正水旱風雨文武術士病月犯守之其分兵喪奸臣謀 客星出之色赤其下大臣憂 犯之文士死亦為喪津梁不通 守則死歲多風雨 彗孛出犯其分兵起火災一云大水民流 客星彗孛干犯文士死 流星犯之同占或文章廢黃白潤澤出入文章賢士用遠國來 氣之青憂蒼白喪黑破亡並占其分 黑又為水 黃則外國來

貢又名倚五立 赤出入皆為兵起 若光潤澤天子  
言宗廟事

天廐

天廐距西星去極四十九度入壁初度 明而動則多  
郵駟 不明則道路節 非其故人主以馬為憂不則  
馬多死 月犯六馬歸 客彗孛干犯入守舍驛道路  
不通 彗入又為廐焚 或移動流星出入天下驚御  
馬死路色赤黃御馬進

土公

土公距西星去極八十五度入壁初度 動搖有板築  
之事

雲雨

雲雨距西北星去極九十五度入室五度 星明則多  
雨水 動則多陰陽晦 火守天下旱 水守大水  
流星與霹靂同占

霹靂

霹靂距西星去極九十二度入危十五度 星明而動  
搖及五星犯入皆有霹靂之事 流星明同占雲雨

鉄鎖

鉄鎖距中北星去極一百二十八度入奎三度半 明  
則牛馬肥 動搖微暗不見牛馬多不則多死 彗孛  
守為兵將憂

靈臺秘苑卷十二

欽定四庫全書

靈臺秘苑卷十三

北周 庾季才 原撰

宋 王安禮等 重修

西方七宿 中外官附

奎宿

奎宿距西南大星去極七十二度半 星欲明則

吉 若德政虧則星有角 動為兵 其中星明

則大水月犯之其分亂邊兵水災貴人憂民不安

木星干犯近臣為逆 守之大饑多獄訟 又  
為其大道興臣忠北人賓服 若潤澤為大熟  
入之以饑兵起 火星犯之環繞三十日以上將  
相凶其分水灾民流 守則農夫不得耕又為疾  
疫不宜婦人其分多妖言妖孽 若動搖進退有  
赦入則三日魯分君長死 經旬相死 土星干  
犯女后昌國喜遠人來 守之入之有名者多死  
邊兵動久守貴女攝政或有女喜 金星干犯守之

外兵來有軍不戰五穀不成有赦 又守之傑俊興國  
有圖謀 重芒角天下爭奪又守之外兵入國及兵起  
西方 水星干犯奸臣有謀 守之天下多悲王者憂  
入乃水泛守占亦如之又大臣下獄水旱兵火災五  
穀不成 客星出之奸臣偽惑天子干犯或入其中有  
瀆事 又入之為破軍殺將守則賊臣在側王者有憂  
或兵敗 彗孛干犯出入皆為兵喪大饑占於西北宜  
備之 流星出入有溝瀆事 入之聚貴事及破軍殺

將 干犯若赤如火光炸有聲出入皆為虧帑用 氣  
之入蒼白婦人憂 黃有珠玉寶喜宮女灾若潤澤為  
天下喜而有受命 赤者亦為兵及婦人之病

附路

附路去極三十五度半入奎五度 芒角動搖則車騎  
在野 不明則津梁不通 亡則有道路之災金火干  
犯占如芒角 客彗孛犯之道路不通 氣入之占在  
太僕赤誅黃白受賜蒼白憂黑為死

軍南門

軍南門去極六十六度入奎十五度 星不明則夷狄  
叛 明則遠方來貢 動搖則兵起 他占與大將軍  
同

閣道

閣道距南星去極四十八度入奎四度半 星不見則  
輦道不通 動搖則宮垣有兵 客彗孛干犯之人君  
不安國有喪人君居正殿不微行則吉 氣之入黃喜

黑病白有急事

策星

策星去極三十三度半入壁五度 若動搖移徙居王  
良前或處馬後是為策馬皆為兵起故曰王良策馬車  
騎滿野又曰北夷制號 流星彗孛干犯大兵起天子  
將兵

王良

王良距西星去極三十七度入壁初度 明則馬貴

不具則津梁不通 移向西方則隨其方兵起王良策  
馬車騎滿野 前與閣道相近相近有江河之變 金  
火客彗孛干犯皆為兵起 客彗孛又為橋梁不通  
彗出之奉車之臣反 流星出入占與雷電同干犯抵  
入兵將興 氣之入白占奉車之臣青白憂墜車赤則  
斧鑕用黃為拜賜

外屏

外屏距西星去極八十九度入壁八度半 星不明移

徙國不安居 其他與天濶同占

天濶

天濶距西南星去極九十七度半入奎二度 不明移  
徙人不安居 客星守之下濶衆

土司空

土司空去極一百一十五度少入奎初度 大而黃潤  
則天下安否則凶 五星干犯男女不得耕織 客彗  
孛則水旱民流兵起土工興 流星干犯同五星又為

荒亂災起 黃氣入之遷都土工興

婁宿

婁宿距中星去極七十五度半 星明則王者祀享子  
孫昌臣盡忠又曰天子孝天下和平星明大而赤色或  
色小郊祀失禮 動則有聚眾事 明靜則天下和

直則有執主之命 就聚國不安 月犯之有田獵民  
流將死其分憂 犯及有變聚斂事作兵戰而和人多  
冤獄 木星干犯有赦春殘牛多死苑囿空 守則世

治兵罷有聚斂事民疫六畜大貴 火星犯守旱穀貴  
又守則臣亂政人多疫金銀貴或赦其分君長憂

若逆行成勾已倉庫火災 土星干犯或邊境不可將

兵 守則天下豐樂金星犯守將軍惡之其鄉吉天下

和平 水星犯守法令急大臣憂獄水災無兵兵起有

兵兵罷 若芒動而赤黑臣爭祿 客星出之邊兵動

干犯大兵作守則社稷不安王者貴人當之不則魯地

兵起又糴貴狄人死如入其中三日環繞大赦 彗孛

出犯水旱穀傷畜死兵饑 流星出入為聚衆 又出  
則祠官用事或德令清 犯之犧牲蕃畜色黑多死  
若抵死貴賤相謀 氣之入赤黑兵喪并起疾疫 黃  
則貴人受賜 白民受賜 黑水災

天大將軍

天大將軍距南大星去極六十度半入婁四度 明則  
將軍勇暗則弱 動搖不具兵起其分 左右岐星為  
旗若其旗直揚者隨所直擊之勝逆之則負 五星客

犯守大將憂 彗守出若干犯兵起大將誅死 或流星入之大將驚 氣之入蒼白兵將憂疫赤則兵出

右更

右更距東北星去極七十五度入奎十三度 星不具則道路不通 金火犯守山澤有兵 流星犯之大更

失錯

左更

左更距西南去極一百七十五度半入婁四度半 占

同右更

天倉

天倉距北第三星去極一百四度半入奎十度 星大而黃或相近及其中星繁皆為歲實 稀少相疎則歲惡 天下有兵則倉庫之戶俱開而主勝 若兩軍相當其星不見則所臨之軍絕食大祲而亡 五星入守干犯皆為粟帛發用 客彗守犯守五穀不成倉庫皆空 流星出入有賑貸事 氣之入蒼白若黑不熟赤

旱倉廩火 黃白歲豐

天庾

天庾距中大星去極一百二十五度半入婁五度 占  
與困倉同

胃宿

胃宿距西南星去極六十七度半 明大則倉廩實天  
下和平 暗則倉廩虛 乍大乍小失位搖動有轉輸  
事 就聚則穀貴人流 若移徙倉穀不出芒則兵起

其中星聚則穀聚少則穀散 月犯之兵饑及疫夷狄  
為憂及粟貴事 犯而變色其分有憂將軍死 木星  
犯守穀無實 又守之王者順天德國安歲昌其分昌  
火星守之旱饑疾疫 犯之囚獄空法令改更主勝  
客敗 守之又為貴人有憂 若久守進退環繞勾已  
倉廩空虛兵起 土星犯之水灾臣叛 守則無蓄積  
有德令 若逆行守之或勾已兵起 金星犯之歲將  
大惡 守則民饑兵亂又為大臣執忠四海安寧 又

犯守則將軍為亂若逆行守之或勾已其下兵起流血  
水星犯守穀不實其分不寧又守之兵旱國立侯王  
者有忠令 客星出之其分君長憂 干犯守之皆為  
饑 彗孛出犯亦然又為臣叛兵起 流星出之以金  
出賜大臣有降國其分五穀豐 抵之倉廩空 出則  
其官黜 氣之出入其色青黑為兵 蒼白及赤為粟  
出若入蒼白占同 黃白潤澤歲豐倉實 黑則倉穀  
敗

大陵

大陵距大星去極五十五度入胃七度 星明大其中  
星繁則天下多喪民疫兵起不則安而無兵 月五星  
犯之皆為兵喪 水星彗孛則有積尸 流星出之亦  
然而占在其下 守犯冲則冢官憂 蒼白氣為兵喪  
赤則人多戰死

積尸

積尸去極五十五度入胃四度 暗或不見則吉 月

干犯有叛臣 五星犯守天下多喪 客彗孛流星出入皆為喪 流星則以日占其分大臣憂 赤白青色則死 氣之入蒼及黑皆為人多死

天船

天船距大星去極四十四度半入胃十三度 星欲其均明則天下安 若移徙不明則有喪兵 星不在漢中及五星客彗孛流星犯守若入為大水 氣之入青天下有憂船不可動黃白氣行船有喜

積水

積水去極四十三度入昴初度 不明則吉 明則水  
溢 動而止行則舟船崩 火星干犯兵起有水災

天困

天困距大星去極九十一度半入胃六度半 星明則  
歲豐 暗小不見為饑 月犯之有五穀事 五星犯  
守倉庫空 火星又為錢穀王者黜 客彗守則倉庫  
焚溺 流星出入占如天倉 青白氣入歲饑民流

天廩

天廩距南星去極八十五度半入胃十二度 明而實  
國充歲豐 黑而稀則粟廩敗 其占與困倉同月犯  
之穀貴 五星犯之為饑倉粟出 彗孛則倉廩空其  
官黜 流星入青天下多憂赤旱火黃白熱氣之入占  
如流星為水戾

昴宿

昴宿距西南星去極七十度 明則牢獄平暗則法刑

濫 大星明與火星等大水七星皆黃又大而動搖皆  
兵起 一星芒為兵喪 動搖大臣下獄 月犯之將  
軍死門戶之臣憂其分兵饑 犯而變色其分民離散  
木星犯守獄空北征於狄棺木貴 守又為刑急有  
兵水灾禍不成有德令臣有獄死者解 久守大臣有  
咎關津吏憂及民饑 火星犯守四夷兵起旱火饑疫  
久守之狄人不寧貴人多死又或赦 守而勾已環  
繞亦為赦 入之占同又為喜令天下無兵有亦罷

土星犯入守之皆為胡王死 犯之又為天下有禍

守則女后失勢夷人死土工興穀不成火災民疫 金

星守之四夷夷主憂死兵動將軍下獄 犯則兵旱火

又云犯守之易政令臣有謀 入則大臣憂獄事天

下擾趙分有兵大赦 久之夷可伐 水星入之兵起

破散民流亡 犯亦如之又為大水決溢 守則民饑

諸侯誅邊兵起夷人勝 勾已逆行環繞刑獄兵 大

率月五星干犯皆為夷王死 客出之兵車滿野 犯

守兵起臣叛 入乃貴人有急獄夷兵敗其分有喪  
彗字犯之臣亂兵起 出亦如之又為赦 流星出入  
貴人下獄兵起 出則他國使來 若大流星出之有  
赦 入則夷狄來 氣之出入青有兵大水 蒼赤民  
疫 青白人多喪 亦有軍令白衣將兵 黃則其分  
喜 黑入抵之夷王死

天阿

天阿去極六十六度入胃十五度 客彗字干犯妖言

滿國

卷舌

卷舌距東南星去極十二度入昴一度 星曲而近則  
賢人進 若直而動明大及出漢天下多口舌 月干  
犯人多死 五星流則多讒佞 客彗守干犯守侍臣  
有咎

天讒

天讒去極六十一度半入昴初度半 暗則吉 明盛

則佞臣用 客守之天下妄言

礪石

礪石距南第二星去極六十五度入昴六度 居常為  
吉 明及火金干犯皆主兵起 客星守之百工用赤  
為兵動

月星

月星去極七十一度半入昴一度 明大則女后專政  
星微則吉 金火客彗孛干犯女后大臣有憂 又

金火守之大臣走兵亂

天陰

天陰距西星去極七十五度半入胃七度 星不欲明  
明則禁漏洩

芻藁

芻藁距西中星去極一百八度入婁十一度 若其中  
星盛則庫藏貯而豐 稀則貨財出 暗則芻藁焚溺  
赤氣入有火災 黃則天子財豐 赤氣出以火出

貨財 黃則喜出

天苑

天苑距東星去極一百七度半入昴七度半 從東第  
八星去極一百八度入胃三度 明則牛馬禽獸盛不  
明則瘠死 不具有斬死吏 或斬刈事 五星客彗  
孛犯守入兵起畜獸多死 流星出之占在牛馬色赤  
以兵黑則以令出赤多傷黑多死黃則蕃息 氣之入  
以色占如流星

畢宿 附耳附

畢宿右股第一星去極七十五度 星明大則遠夷來  
天下安 失色動搖邊兵起 讒臣用 離徙為獄亂  
就聚法令酷 芒則為兵喪 月犯之陰國有憂刑急  
臣叛將相憂春多雨夏多風天下有變令邊兵起邊將  
刑 失行離之則雨 入則亦如之又為兵起 木  
星干犯入之多暴風雨 又為有邊兵 守則大赦王  
賜夷狄邊兵急或糴貴 火星犯之兵戰 入則兵饑

將相憂 守之有德令國有畋獵男子則爵夷主死道  
路不通 土星干犯有赦兵起西北不戰 守亦兵起  
賦役繁政令不行邊有降軍王公受賀 入之地震水  
溢 入畢口大臣憂 金星犯之邊兵敗 若犯大星  
及左右角皆將戰死 守則大將有功大臣出使有急  
令及兵起邊境不安水灾五穀不成 若守則其西國  
益地 入畢口車馬貴將相為亂國易政及女喪 水  
星犯之水灾兵刑罰用 木火土金入之皆為赦 客

星出邊兵車馬急 入之畋獵事多貴人下獄 入畢  
口大臣憂無兵兵起有兵兵罷 犯亦如之又為歲饑  
守乃讒臣弊主 又犯守外國有詐未欲叛謀 彗  
孛犯土工人勞夷為亂邊軍大戰 守柄王侯益地  
守口相為亂易政令 若出之入之占其色蒼則五穀  
不成下有破軍赤乃其分主憂黃女為亂白兵喪黑為  
水 流星入犯之邊兵大戰 若赤色如之蕃 黃白  
潤澤光出之赦令行使出安邊 入則四夷求和國有

喜慶 雲氣之入蒼白歲不收 赤兵旱災 黃白天  
子有喜貴人生 出入受民田 附耳在畢下去極七  
十七度入畢三度 星勝中國微盜賊起邊侯驚外國  
反 移動則讒佞行而兵起邊鄙尤甚 月五星犯之  
皆為兵起將有喪憂不即免退 客星守兵饑多獄訟  
氣之入蒼白純白將憂 赤則內兵起 黃白無兵  
兵起 黑將死 赤出將出 黃白為兵將

天街

天街距南星去極七十一度入昴十度 明則王道正  
月犯道路不通軍嚴 五星犯守邊兵動大臣憂  
若留上邊行其中赤為兵候 金火守又為邊兵起道  
路絕 彗守犯守邊人入中國失地

諸王

諸王距西星去極七十度入畢三度 明則附不明則  
叛 不見則兵起宗廟憂 月五星客彗守干犯守流  
星出之皆為諸侯宗臣災

天高

天高距東北星去極七十四度半入畢六度 守常則  
吉 微暗則陰陽不調 若干井鉞則大臣有咎不則  
高為下下為高 月犯之將死臣誅 五星水旱不時  
客彗孛干犯守之大旱 蒼白氣入旱霜損稼

五車

五車距大星去極四十七度半入畢八度 其西北柱  
四十九度入畢五度 東南柱五十九度半入畢十五

度 東北柱五十三度半入畢十六度半 五車有變  
各以所主占之五穀豐儉亦占其星 又以五寅日候  
其車若大風寒折木發屋則物類大貴候法如庚寅日  
候金車布帛銅鐵麻日風寒其物貴也 五星靜則為  
吉 若明大星繁兵革大行 一柱出軍外或不見則  
兵少出三柱盡出或不見則兵盡出入亦如之 柱若  
出每一月穀貴三倍月數增之 若見出而不居二星  
之間天下大水米貴轉穀千里若到立則戰車行 五

車三柱欲其均明濶狹有常則萬物成年豐君政得則  
應之 若動搖微暗則所主之物貴大風兵起君政失  
則應之 月干犯入之兵起駕道不通 五星犯守旱  
喪 入則兵起金火尤甚 客星入之占其色青憂赤  
色白黃人主受賀白喪黑死 犯之所守物貴三倍天  
下大水地動海魚出 守之左軍大發右為喪 彗孛  
犯之兵騎滿野民徙 流星出入諸侯入賀國有喜  
犯冲則水旱不調天子惑諸侯憂 若光明潤澤遣使

四民五穀成年來物賤 氣入蒼白民流 赤兵起

天潢

天潢距西北星去極五十八度入畢十一度 不見則  
津梁不通 月五星犯之入兵起道不通天下亂貴人  
死 客星入為赦 守之有水害 氣之入黃白天子  
喜安然無兵兵罷 赤內兵起 如波兵庫火 氣出  
之兵出戰 蒼白皆為死喪

咸池

咸池距南星去極五十一度半入畢十一度半 若星  
明大則有龍見不則虎狼為害或兵起不具津梁不通  
非其故國旱 月入之暴兵起 五星入之失忠臣  
為兵喪若旱則水道不通貴人死或為饑 金星中犯  
乘守大兵起 客星入之大人憂天下水 流星出之  
隨星所之大兵起 氣之入蒼白魚多死 赤旱 黃  
白太子喜 黃白出神魚見 黑氣出之皆為水

天關

天關去極七十一度入觜初度 星明盛芒角動移徙  
及與五車星合則為兵戰 月犯之亂臣更法令主津  
關者有罪 掩則關梁不通其官及邊臣死 五星干  
犯守占同 客彗守干犯守占如月客彗守犯守出入  
兵起多盜關梁不通 流星抵犯亦然 出入則守關  
臣憂 黃白氣入四方來貢

天節

天節距北星去極八十度半入昴三度 明則節使中

正 暗則奉使無違 火星守持節臣有謀君死 金  
則大將以兵出 客彗守守犯法令不行奉使者有咎

九州 硃口

九州 硃口距西北星去極一百度入昴十度半 常以  
十一月候若亡一星其地憂三星以上大亂 金火干  
守兵起 客星入之民憂水事 守則直海國國不安  
或兵動 流星出入夷狄君憂 色赤夷人亂旱滯民

饑

天園

天園距東北星去極一百二十四度入畢五度 星勾  
曲而明則菜果熟不則惡 白氣入為兵

參旗

參旗距南第二星去極八十七度入畢六度半 星偃  
曲勢如張弓則兵起 明則有白衣會邊寇動 不動  
為吉 若君臣旌旗中禮則星正齊而均明 動則有  
惑王者 不具則所在有兵 五星客彗孛流星犯之

或守及出入皆為兵起天下憂 氣入狄兵侵境

九游

九游距南星去極一百一十二度入畢十二度半 星居常則吉 或動搖則兵大起 金火守犯兵騎滿野 客守犯諸侯起兵禽獸多疾

觜宿

觜觶距西南星去極八十二度半 明則軍儲盈將得勢 暗則不可用兵 動則堡盜起 動而明盜賊羣

行移徙則將逐 月犯之兵起其分災為赦 變于其  
宿刑罰急 木星犯之其分兵起 守則后有憂農夫  
不得耕或多暴死其下饑疫反叛亦為君臣不合同  
火星犯守其下兵叛斧鉞用大旱糴貴 土星犯土工  
興 守亦如之或兵侵其土又為其分安寧 金星干  
犯兵起斧鉞用兵守之亦如之 水星犯守不可動兵  
行兵趙地水災及有叛者 客星干犯者暴兵出其謀  
亂 若星不明不行深宜防察西戌侵動 彗孛干犯

之其分亂有破軍干犯則天下動擾 流星出之天下  
無兵邊使入賀 又云出之堡兵事入之或犯其分亂  
雲氣入之蒼白民有堡盜之憂 赤則兵起 白邊  
將戮或邊將戰死 黑趙地大人憂 赤則兵起 黃  
有神寶 黃白潤澤出入占同又為其分喜

司怪

司怪距南星去極七十一度入參六度 或星不成行  
列宮中有大怪或天下多怪占同天高

座旗

座旗距南星去極六十度半入參八度 星明則國有禮 暗則失禮

參宿

伐附

參宿距中心第一星去極九十二度半 參不欲動伐不欲明七星皆明大天下軍精 若王道缺則星芒角張 不明大將疫 失色則軍敗 不具則亡地差戾 則王者憂 移徙則客伐主大將逐 就聚則將誅

右足出玉井中兵大起秦地有水喪及山石為怪芒不可舉兵 左股出東方南方右股出西方北方伐星疎法令縱數則急 動則有斬伐之事 明與參等大臣有謀而兵起 月犯之兵貴臣憂其分饑 伐則小將死有兵事競城堡 木星犯之水旱饑疫 守之大疫王者惡之或憂疾 伐乃兵起 火星干犯占同 守之多霜電旱災 五穀不成兵動四方不安 久守不去秦地災 伐則有赦 入參成勾已環繞天下惡之

土星犯乘守奸臣謀逆或大臣出使 又守之天下  
有喪 宿於參伐田價貴易 金星犯守之邊兵起  
又守之臣叛大旱及喪 若犯守伐星大臣亂車騎用  
水星犯乘之有水兵貴臣出 守則臣叛水災五穀  
不成 伐乃占在邊人移南出塞也移北入塞也 客  
星出之有暴兵老人多死馬貴宮女爭 守則國敗歲  
饑又守之土崩守伐星大臣誅邊兵敗 彗守出之兵  
起 干犯其下有破軍 流星出米賤 干犯有堡兵

事入則先起兵者破或有軍圍城氣之入天下起  
邊城蒼邊境火災蒼白臣亂赤有內兵黃白  
潤澤大將受賜黑大人憂及水戾出則將死

玉井

玉井距西北星去極九十八度少入畢十一度半動  
搖則有憂若參出之狼虎害人兵饑水溢月五星  
干犯守之皆凶客星流星出之國得地或將出入  
則失地多水又為喪青入井不可食

軍井

軍井距西星去極一百五十度半入畢十四度 月入  
之芻藁財寶出 火星客星守之軍井有水憂或多死  
金及彗孛犯守兵起民流

天屏

天屏距南星去極一百一十五度入畢十三度 星不  
具人多病 暗亡則大人疾 月五星犯之皆為水災  
客彗孛干犯水旱不時 客出占如暗亡犯與人多

病

天厠

天厠距西北星去極一百一十一度半入參三度 星黃則吉蒼黑為凶 不具則貴人多疾 客彗守歲饑氣入蒼白陰病赤白黃為喜黑憂皆主君也

屎星

屎星去極一百一十五度入參三度半 星明黃吉餘凶以秋分候之不見則大饑 彗守守天下弓矢用

流星犯民多病

靈臺秘苑卷十三

欽定四庫全書

靈臺秘苑卷十四

北周 庾季才 原撰

宋 王安禮等 重修

南方七宿

中外官附

井宿

鉞星附

東井距西肩北第一星去極六十九度 王者用

法平則星明而端列 暗而不正國君憂又云不

則有風雨 月犯之為兵水官黜將死刑政不平

其分君長憂 宿之不雨則風 若變于其宿以  
色占之 入則諸侯臣死 木星守犯刑急多獄  
乘若守之有法令水衡事臣亂將死 入則有  
川瀆事分饑亂 守之亦然 若環繞勾己為赦  
火星干犯水旱羣臣有以家坐罪 明乃將死  
兵不利先舉入之無兵兵起有兵兵罷又為旱天  
下不安 守則貴相死 久守其分民多死 守  
三十日以上成勾己角動色赤黑貴人當之百川水

溢兵起 若環繞其事必成色黃益地黑則反之 土  
星干犯六十日大旱九十日有赦 入則所居有德利  
以興兵又為兵起東北 守之旱灾民疾五穀不熟  
犯入守之皆為大人憂 金星入之大水先起兵者敗  
將軍犯罪政急民流 守乃憂火物不成 犯之將有  
咎 水星干犯刑法平或威惡邊兵起 一云犯而角  
動色赤黑以水起兵黃潤有善令 入之其下亂馬暴  
貴又主兵之進退星進則進退則退 守則以為水戾

久守之則其歲春早晚水 五星乘犯凌守芒角環  
繞勾己為三軍不起國君出 客星出水潦宮中火災  
其分叛 入則外使來五穀不成 犯之大水傷稼大  
臣凶土工興小兒妖言 守之臣為亂 彗孛出之大  
使出 干犯其分兵起大臣誅 入井大人憂見四十  
日內兵將當之見五十日相當之見七十日君長當之  
流星出入其分大水 入之尤甚又為有使來言兵  
事 黃潤出入國安歲美 黑赤秦分水灾民流 流

星犯之春夏秦地叛秋冬宮中憂 氣之入蒼人疾赤  
叛黑水皆占其下 黃白潤澤有言池澤水泉事 白  
氣出有水滂之命 常以正月朔日暮候井上有雲歲  
多水 鉞星去極九十六度少入參八度半 其星不  
欲明明與井齊及月五星犯守皆為斧鉞用 客犯之  
將卒死 彗孛乃易政秦地受殃

天樽

天樽距西星去極六十八度入井十六度 明則熟稼

暗則不熟

五諸侯

五諸侯距西星去極五十六度半入井六度半 星明  
潤大小齊等則諸侯忠良王道興不則上下相譖忠良  
不用 若星生芒則禍在中 亡則貴人有讒 若五  
禮修備則五星行列光明不相侵凌 月犯掩將相憂  
五星中犯乘守諸侯兵死 客彗孛出犯大臣憂執  
法之臣凶 又曰客星犯之王室亂諸侯亡地 守則

親屬失位水大穀貴秦地尤重 流星出諸侯叛 入  
之為喪 蒼白雲氣亦然不則臣叛 一日流星色黑  
出入大臣薨與諸王三台少微同占

北河

北河距東大星去極六十一度半入井二十度 與南  
河為南北 不具則其道不通河壅 星動則中國兵  
起 明大則水道不通 月五星犯守北河為荒敗之  
災 五星守之兵起道不通 客星犯奸人在中 守

之大水 或邊暴 彗孛邊兵為亂若來侵國 守則  
邊軍動犯之為水災 流星入邊兵來關梁不通 若  
經兩河之間天下有難 蒼白氣入邊兵起疾疫敵主  
犯

積水

積水去極五十四度半入井十八度 居常則吉不見  
為災 五星犯守其地大水物不成魚鹽貴貴人饑  
客彗孛兵起大臣憂 客出或守又為火水土工興堤

塘成 流星入抵大水民饑 蒼白氣亦如之

積薪

積薪去極六十五度半入井二十七度 星明大則君

增庖厨 不明五穀不登 五星犯守大旱民流穀不

成 客星守之有以積藁致罪者 孛守犯之有亂臣

流星抵犯以薪芻為憂若厨官有罪赤氣入芻藁灾

南河

南河距東大星去極八十三度半入井二十一度 星

明而得常則中國四夷來 暗動搖邊兵起四夷侵  
月掩中國憂兵喪旱疫 五星留守占同北河 木乘  
之夷王死 火犯兵大興 守大旱穀不登 土乘物  
不滋民憂 金犯之邊臣謀若兵起夷狄君憂 若毀  
七客彗孛守流星出入皆為旱災 客星出入為喪  
彗孛入則蠻兵起 流星出入又為兵喪邊戍憂 氣  
之入黃有德令 青白河道不通赤為水傷人 出之  
用兵諸侯

水府

水府距西星去極七十六度半入參七度 占同水位

四瀆

四瀆距西南星去極八十六度半入井二度 星明大  
則百川溢土守為吉

水位

水位距西星去極七十三度半入井十八度 星近上  
北河有滔天之水 五星犯守天下以水為害 容慧

字出入犯守尤甚 流星入之占如五星 出之色青  
大水赤黃大旱皆以所之命其色 氣之入大旱歲饑

闕丘

闕丘距大星去極九十一度少入井十五度 守常則

吉金火客彗字犯守兵戰闕闕 赤氣入天子憂一曰

宮中火災

軍市

軍市距北星去極一百七度半入井初度 市中星衆

則軍有餘糧 星少及五星客彗孛干犯守皆為軍饑  
月入犯兵起人君不安 客星入之刺客起將卒散  
流星出之大將出 若犯冲大饑 赤氣入軍亂大

饑

野鷄

野鷄去極一百九度半入井四度 星安靜則吉 芒  
角動搖為兵災 若移出市外天下有兵諸侯相攻

狼星

狼星去極一百七度半入井十度 守常為吉 芒角  
動搖變色兵起 光明盛大兵器貴 移位人相食

月犯有兵不戰亦為水居之外國有謀 五星犯守兵

騎滿野多盜狄人犯中國 客星守物大貴 其色黃

潤有喜色 黑有憂 客彗守干犯守國多盜外夷侵

流星出戎狄將亡 氣之入有兵革狄人侵民驚擾

弧矢

弧矢距西南稍星去極一百二十三度入井十二度

矢去極一百一十四度入井十五度 星張弓則邊兵起 若矢不直狼及動搖多盜 明大變守亦如之

引滿則民盡為盜之兵 月入臣適主客星出之則兵出入則兵入或南夷降 守之亂兵起外夷大饑 守而弧矢張先起兵者勝 流星冲入守犯狄兵起屠城 殺將 氣之入赤為民驚狄人犯中國 黑為狄人病

丈人

丈人距西星去極一百二十八度入參四度 若星亡

客星入則人臣不得自通

子星

子星距西星去極一百二十八度入參九度 不見為  
灾

孫星

孫星距西星去極一百二十五度入井六度 其占與

丈人子同

老人

老人去極一百四十三度入井十度 若依時見而明  
大赤則天子壽昌天下治平賢士用 不見則兵起歲  
荒君憂 客干犯守之疾疫兵興老者憂 彗孛則傷  
秋稼 以時不明天下兵荒 流星出之冲犯皆為國  
安天下豐樂 入之又為老人有疾或兵起 白氣掩  
蔽之國大凶

鬼宿

積尸附

輿鬼距西南星去極六十九度半 明大五穀熟 不

明百姓散動而光芒賦役繁民多怨連年大水秦分  
尤甚徙則人愁政急鎖星不欲明明則兵起大臣  
誅月犯之多刑殺民疫大臣憂將死秦地兵入則  
財寶出犯鎖星賢臣女后憂及大喪謀臣糾彈之官  
誅一云秦分君長憂木星干犯人饑人君憂之大臣  
災守則有祭祀事若犯鎖星兵喪王者疾斧鉞用  
火星犯之大臣憂后失勢執法者凶入之金玉用  
疾疫大赦賊臣在君側若勾已環繞有大喪天子皇

后忌之 舍鬼中央多霜露風雨不時民疫頭目小兒  
多死 守則喪役物貴或女后病 若入皆為兵喪旱  
災 犯尸兵在西北軍將死亡又為喪 土星干犯女  
后奢侈不則有憂臣亂旱疫 入之大喪或主其分又  
為大臣死 舍中央為赦 守則后宮憂土工旱災  
又犯之若守皆為大人憂其分積尸滿野 入則王者  
惡之 犯之積尸失勢 金星干犯有兵謀斧鉞用其  
分兵興將誅多損孕婦亂臣在內 守已近臣叛 若

成勾已環繞天子惡之 犯積尸大臣誅有屠城 守  
則將軍憂其地兵喪 水星犯之穀不登 入則兵起  
蠻夷滅 守之蝗水及喪貴人憂秦地災 犯積尸貴  
人有罪 入守法官凶 客星出入犯守在南主君及  
男夫在北后及女婦東太子及丁壯西貴臣及老人及  
隨所主惡人 又犯則其分主憂修德無咎亦為土工  
興男女不得耕織 若守積尸人主惡之 彗守出之  
下有兵喪棺槨貴 犯之尤盛 流星出而有光天使

出國喜 入則外使來 流星入之四夷來貢祠祭宗  
廟 犯鎖有戮死者 氣之入白疾病 赤旱 黃土  
工 黑后憂 又曰白貴人憂 青病黑喪黃其分喜  
以占其善惡

耀星

耀星距北星去極六十度半入井二十九度 星不明  
安靜則吉 明大動搖邊有驚急 赤氣入耀火皆動  
外厨

外厨距大星去極九十二度半入柳初度 占與天厨

同

天紀

天紀去極一百一度半入柳五度 居常則所主吉

金火客彗守守犯獸畜災民不安居

天狗

天狗距西星去極一百六度入井二十二度 動搖則

兵饑 移則多盜 土守之相食從其鄉 客彗守干

犯羣盜起狼蟲興

天社

天社距西南星去極一百三十四度入井十二度 明則社稷安 動搖天下有謀 金火客彗孛犯守皆為社稷不安 客星出之為祠祀事

柳宿

柳宿距西星去極八十二度半 明則大臣重其國安 厨食興 直則天下謀亂 就聚兵滿國開張人饑漂

散都邑振動 月犯之土木之工興大臣將相憂 木  
星守之貴臣得地后有德 犯占如上 水星惡多獄  
訟 又入若天下豐樂 木星干犯名木被伐 守之  
有兵逆臣在側或糴貴而天下安諸侯喜 一云天子  
以飲食為戒 土星守之亦然 干犯則女后昌土工  
興 入之有君喜 金星干犯守之有急兵及強臣  
又守之益地 入亦然或貴人用兵 久則邊人不安  
若逆行而入成勾已臣叛民多暴死 水星犯民多

饑歲星馬貴守則水船相望 入之占同 客星犯則  
同分當之入占同 守若入兵起布帛魚鹽貴 彗孛  
出犯守之皆為兵喪大臣賤臣有謀大旱穀不登亦為  
庫官出夷狄為亂 流星出之宗廟喜木工用多雨水  
其分憂之主大災名木有伐木工廢厨官憂 干犯其  
分當之 氣之出入赤大旱 一云如波者有火災  
黃赦 黃白有異果來貢 黑厨官憂 其出赤旱  
黃白喜君建宮室 黑木腐

酒旗

酒旗距西北星去極七十七度入星七度 星明則多  
宴飲而合度 昏暗則過度而非禮 星不具則有喪  
或有酒食財物賜爵宗室 金犯之公卿謀 客彗孛  
出犯之亂赤氣宜宴飲察近臣

星宿

星宿距大星去極九十六度 大明則王道昌 暗乃  
賢良不處天下空天子疾 動則兵起 離則大凶

月犯之兵戰厨官憂臣亂其分饑 入則其分殺將破  
軍 木星犯之人主憂兵攻臣受封 入則立太子穀  
傷 守之天下和平又為盜賊兵起以德令解之又為  
治宮室臣背命 土星守之王道興后宮喜其分福犯  
之穀傷女后先灾后喜 金星守之其分有暴兵戰勝  
益地 犯之亦然又為君有德大臣當之水灾穀不成  
水星犯之賊臣在側以善令則無咎 守則水傷萬  
物民流多疾其分兵起貴臣誅不則法官憂 火土金

水入之占同水 客入之亦然而有奇令有客以急使  
事出則反色赤占兵黃土工白喪青憂黑水 出守犯  
之又為河決民去其野 彗字守之臣亂兵起貴臣戮  
出犯之其下有叛臣大臣有潛謀 流星去之王者  
以急而使 出乃庫官以匹帛賜內臣 入則急使來  
乃庫官以錦繡進女工用 犯則有兵刃 星為天都  
使者星出入皆為財帛事 氣之出入蒼白入或如飛  
鳥其啄正對之貴人憂 蒼白入用急使 赤兵起

如波者火也黃白若粉絮及潤澤皆貢獻來黃白出  
之遣使賜諸侯白占如上久而不散有大風兼有  
赦令黑賢士死

軒轅

軒轅距大星去極七十五度入張二度其星欲黃小  
而明則后宮安靜大而列明後宮爭譽微小不見則  
皇后貴女不安色黑大凶移徙則民流動搖就  
聚為外戚喪東西角大張而振后族敗古占書又

云軒轅為大典之內政弼太微陰陽交合感為雷激為  
電和為雨怒為風亂為風霧凝為霜散為露聚為雲立  
為虹霓離為背璫為抱珥此一十四變軒轅乘主之

五星干犯乘守之盜賊并火災 又凌犯勾己環守皆

為女后有憂 火星則后妃惡以赦除咎 御女若大

民則大饑太后宗有罪小民小饑小皇后宗有罪左右

角大臣當之 客彗守守之兵起 客星出之后官失

勢 犯之美人枉死親近有謀以赦除咎 彗守出之

女后為亂君后憂后宫不安 干犯之大變亂以五星  
占期 流星出之后遣中使出 入則后有喜又曰有  
子孫之慶

內平

內平距西星去極五十二度入張六度 星明則刑罰  
平不明則反是

天相

天相距北星去極九十五度入星六度 五星客彗孛

守犯后妃將相坐法 氣之入占在大臣黃喜黑死

天稷

天稷距大星去極一百三十七度入柳十三度 星明  
大則歲豐 暗不具則饑 不見天下荒亂 客彗孛  
干犯守占如暗不見 客星出入占同天社

張宿

張宿距西第二星去極一百二度半 明則五禮得中  
動搖則有賞 不明則皇孫疾徙移則有逆民 就聚

則兵起 月犯之將相叛其分憂飛鳥暴死 宿張而  
霧天子惡之 水星入若犯光黃潤澤國有慶 守則  
氣和歲豐 火星犯之水灾穀 守則歲豐明有慶賜  
大將驚或其下諸侯叛 又犯守之功臣封土 入乃  
兵起 土星在其宿而光黃潤澤天下安君子有慶  
犯之大水泛魚鼈死貴臣灾在秋冬仲月土工起 守  
則天下和平宮中喜大臣有伏法若土工事或陰陽不  
和民多疾 入之兵興 金星犯之將叛賊臣在側春

旱其地憂 守則國凶民擾水灾穀不成其分謀不成  
水星犯之民不安 守為大火又五穀不成水灾兵  
疫其分不寧 客星出兵起及有賜賚事 守則周楚  
之分有急事 又犯守之天子以酒為憂 彗孛出入  
大旱穀貴不則兵水灾民流 流星出諸侯受賜 入  
為諸侯來獻近臣憂 抵之厨官受賜 出入為國昌  
及有赦 氣之入蒼白出客憂 潤澤賜賚諸侯 赤  
用兵客出亦如之 黃白潤澤入國喜賜客 黑而排

徊聚散其分水灾 出入環繞其下君防刺客

### 太尊

太尊去極三十九度入張九度 守常則吉 不見為憂 客彗孛流干犯並為貴戚將則尤甚

### 天廟

天廟距西北星去極一百一十三度半入柳十三度 星均明則吉 微細則凶 非其故則有憂者白衣會 又為兵軍食不通與虛梁同占 客星犯守非其所又

為牛馬多死祠官憂 彗孛則當有誅黜

翼宿

翼宿距中西第三星去極一百四度 星明大禮樂興  
四夷賓 暗則禮樂虧 動則夷狄來 移徙天子舉  
兵 月干犯女后惡之其分兵喪將死太常之官災

入中大臣死 木星犯之五穀風傷 守則王道興文  
術用 久守則天下和熟 火星入之兵起其分饑疫  
又曰臣不用命 守則臣亂風旱魚鹽糴貴 久守民

流亡 土星守犯世治歲豐后喜 久守則有叛臣  
金星干犯兵起民疫五穀風傷 入乃天下兵起 守  
則國得地 若守犯勾已凌突其地大臣擅權 水星  
干犯其地荒守之同占又曰權臣在下大災或蛇見入  
若守中皆兵起 犯守凌抵其下臣以亂誅 客星出  
入君使人於外國不然海客來貢 入則外國使來  
又出入之歲災 犯守為兵起 彗孛出犯其下兵喪  
芒所指其下有隣人 流星出之其下有兵遣使求

賢不則大臣憂 抵則天子尊受諸侯 入之貴臣因  
四海受賜南夷來貢 氣之出入下有暴兵 黃而潤  
澤諸侯來貢又云君賜諸侯 蒼白太常之官憂 黑  
而圍之三夜不去其下君長憂

東甌

東甌距西南星去極一百二十九度入張七度 芒角  
動搖則夷兵叛 金火守之其地有兵

軫宿

軫宿距西北星去極一百二度半 星明車駕備動  
則車駕用 離從天子憂 就聚兵起 月犯之其分  
憂兵車騎用 入則多風雨 水星犯之民病火災庫  
官有罪 守則君有憂以赦除咎亦為天下太平 若  
久之憂大喪 又犯守大臣憂 入之兵罷或將死  
火星干犯海客來貢 入之妖言水旱民擾 又守犯  
入亂兵民作或大亂大災 土星犯守兵起若土工事  
久守失色其分饑 入乃兵發自敗 金星犯入守

其下兵起 又犯則其分得地 守則犯地及喪 水  
星犯之穀不成親戚近臣憂 守則水災民疾執法之  
官凶 又犯守之車駕貴兵起 彗孛出犯王公出兵  
喪並起 色赤則分禮義失 流星出之有使出 犯  
則兵犯喪庫藏凶 又出入之國昌臣忠物賤 若赤  
或黑或白入之皆為大臣死 氣之入蒼白圍國憂以  
赦除咎 赤內兵起車庫大用 黃白潤澤天子有喜  
若諸侯獻車馬 出之用車賜諸侯 白則戒行幸

黑而四散其下大小車不用 黑如鼠大人憂墜車

左轄去極一百一度半入軫五度 右轄去極一百一

十度半去翼十一度半星不見王侯憂 與軫齊南蠻

侵欲 近軫若去一尺以上月入將相庶子死 客星

守主軍吏憂

### 長沙

長沙去極一百八度入軫初度半 明則天子壽長子

孫昌 微暗細乍不見王侯有喜 客流星入之天下

動搖

軍門

軍門距西南星去極一百一十二度半入翼十三度

守常為吉 若非其故及客星犯之皆為道不通占同

南門

土司空

土司空距南星去極一百二十度入翼十四度 豐則

星均明 苗稼不成則星幽暗 金犯守男女不得耕

織 客彗孛干犯兵大起民不安居

青丘

青丘距西北星去極一百二十度半入軫五度 明則  
夷兵盛 動搖則反亂 客星守之上官有事

器府

器府距西北星去極一百三十七度半入翼八度半  
星均明則喜樂調和君臣平允 暗及失常則樂工不  
工八音不調正聲廢 星亡則樂崩墜 客彗孛干犯

樂官災 赤氣掩之樂官廢

天漢

天漢之占漢之中星多則水少則旱 客星守津河不通 入亦如之人主貴人溺死 流星入而不出者不可渡軍 若絕漢者可以渡涉其入有黑氣獨居如皮度不過五日有雨如船如一疋帛羅河津開不出十日大雨 天漢非星也以其為天之末故附於星末

靈臺秘苑卷十四

欽定四庫全書

靈臺秘苑卷十五

北周 庾季才 原撰

宋 王安禮等 重修

瑞星

瑞星者福德之應和氣之所致有道則見其別有六一  
曰景星二曰周伯三曰含譽四曰格澤五曰歸邪六曰  
天保

景星

景星主德之星也見則其國大昌狀如半月生於  
晦朔助月為明或星大而中空或曰有赤方氣與  
青方氣相連赤方中有兩黃星青方中有一黃星  
凡三星合為景星 一曰有三星在赤方氣與青  
方氣相連黃星在赤方氣中名景星德合天則景  
星見焉

周伯

周伯色黃潤而光澤煌煌然見則國昌

含譽

含譽光耀似琴喜則含譽射人君施德孝興禮義人民和而夷狄表化則含譽出焉

格澤

格澤類炎火而色黃白上銳下大起於地而漸昇見則不種而獲下有土工當大客

歸邪

歸邪似星非星似雲非雲或生而赤彗向上如張蓋下

有星相連 見則必有歸國之兆

天保

天保若流星而有音如炬火至地野雞皆鳴 所墜之地有慶

妖星

妖星者五行五星之變天地惡氣之所生也和氣致祥乖氣致異蓋人事失於下則星變見於上吉凶大小隨類而至大則除舊布新兵饑疾疫水旱交興甚則彗孛

長星京房所載三十五座皆見於月傍方氣之中五星  
五行氣之所生將出不出日數候之當其未出之前而  
見則有水旱兵喪饑亂所指其下必有破軍殺將以則  
有雜妖以則有客星亦妖星也妖星之婦女已著晝見  
營頭營頭者雲及晝與虹霓自別別若客星之老子與  
雜妖之星名占皆同而小異國皇格澤有二而形與占  
殊與周伯狀同而事別則皆如舊天文經論曰妖星所  
出形狀不同為災一也近期一年遠三年其下必有屠

城喪地亂兵天下戰人死於野餘殃為水旱兵饑疾疫  
之戾彗孛長三丈其占略同彗孛為除舊布新及火災  
長星多有兵革事 歲星之精流而為七 一曰天棊二  
曰天槍三曰天滑四曰天冲五曰國皇六曰反登七日  
蒼彗 熒惑之精流而為六 一曰祈旦二曰蚩尤三曰  
期明四曰司危五曰天譏六曰赤彗 填星之精流而  
為九 一曰五殘二曰六賊三曰獄漢四曰大賁五曰炤  
星六曰弗星七曰旬始八曰繫咎九曰黃彗 太白之

精流而為九一曰天杵二曰天附三曰伏虛四曰大敗  
五曰司奸六曰天狗七曰天殘八曰卒起九曰白彗  
辰星之精流而為八一曰天在二曰被女三曰拂樞四  
曰滅寶五曰擾縵六曰駕理七曰大舊八曰黑彗

### 彗星

彗字類星末類彗小者數寸長或橫天其體無光假日  
為光所指隨日故夕見則東指晨見則西指近日而狀  
頓挫其芒或長或短光所及為灾古人以為天教蓋日

月之氣風雨不時天為民亂而見又為天地之旗亦所以除穢布新行者事小止者事大長大為灾深短小為灾淺 占其分野則為兵喪大水 若兩軍相當而見隨其所指擊之勝 或云見東方河逆決將相有謀又為君臣不明 又曰長而曲象旗者主討伐四方 又以五色占之蒼則天子將兵赤如火熒兵盜興強國縱恣黃如垂雲女后亡危白如鋒刃長可四丈將叛兵起黑為寇亂江河決 凡占期歷一百日以上三年一百

五十日以上五年二百日以上七年

孛星

孛星光芒四出蓬蓬孛孛惡氣之所生孛亂不明之象  
參焉孛焉兵之類也不有內亂則有外兵天下合謀  
闇蔽不明見有所傷客災甚於孛

長星

長星者三丈至於橫天其體無常

天棊

天棊又名覺星又名天格本類星末銳長四丈或出東北方主奮事主滅兵出則其地凶不可舉事用兵必有破軍屠城或饑旱暴疾女后用事

天槍

天槍彗出四方或本類星末銳長丈或如馬又如槍長數丈兩頭銳又云歲星失次舍退而西南三月生此見則主補制主政隳或其地有土工

天滑

司危白彗或璣星散而為之如太白而有數動且動而赤或出正西去地可六丈大而白或星大而有毛兩角司危所以平非也為垂爭之兆主繫強兵也見則主失法豪傑起臣行主德又云其下國相殘賊出非方其下有兵不利其中

天讒

天讒狀白小數又云斬星又彗出西方如鉤長四五丈主殺將見則兵起或將戮其下又有相讒內亂赤地

千里枯體籍

赤彗

赤彗主滅五都 皆熒惑之精朱雀七宿之域有謀

及恣逆虐為害主憂正冲為期 京房占熒惑之所生

天陰在井 昔若在翼 在張天惑在星天雀在柳赤

若在鬼蚩尤在井皆以丙寅日見有兩赤方氣在其旁

五殘

五殘亦名五鋒一本而五枝五星之變或璣星蒼彗散

而為之出東方水之氣也又云類辰星去地可五六大大而白或赤而中青或有青氣如暈有毛 五殘者五分也毀敗垂亡之兆見則為兵不則喪政在下或四蕃虛天子有急兵 若出北方則東方之國災失地

### 六賊

六賊五行之氣又云火之氣形如彗亦曰類熒惑見南方去地可六丈赤大動而有光是謂南方之野見則為兵喪 若出東方則南方之邦失地 又云出非其方

其下有兵不利其中

獄漢

獄漢又曰漢五行之氣或璣星散而為之出於北方水之青中赤表下有赤彗為縱橫又云北方有星去地可六丈大而赤數動察之中青類辰星是謂北方之野星見則為兵為有喪若出西方則北方之邦失地

大賁

大賁主暴兵

昭星

昭星主滅邪

佛星

佛星本類星末類彗佛見東方出則其分受殃

旬始

旬始又名蚩尤五星盈宿之所生又樞星或黃彗散而為之出北斗旁如雄雞又云青黑象伏擊皆主兵亂主招橫見則為改更又曰諸侯為虐暴骨積骸以子續食

亦曰常以戌戌日見視五車天軍天庫中有奇怪亦  
曰旬始如鳥有喙見則兵大起後戰者敗又曰羣猾橫  
恣其地不寧

繫咎

繫咎主大兵見則臣行主德

黃孛

黃孛主女亂 皆土之精斗七星之域以掌四方司空  
之位有謀反恣虐者冲為期 京房曰填星之所主曰

天 天伐從星天樞天翟天神荆蓍皆以戊寅日見有  
兩黃方氣在其旁

天杵

天杵主穀不實

天附

天附主繫殃

伏虛

伏虛主領讒見則天下亂

大敗

大敗主冲闔見則繫殃

司奸

司奸主見妖

天狗

天狗五星氣合之出西南方金火氣合也其星有尾旁有短彗下如狗又西北方有星長三丈金水氣交也亦曰西北有三星大而白又曰如奔星色黃有聲其止地

類狗所墜望之如火炎炎冲天上銳下圓有類狗又曰  
星色赤白又有流星有光見人而墜無聲若有足又星  
色白其中黃如遺火其昏曰天狗見則為更改為兵亂  
人相食伏尸流血亦戒在守禦

天殘

天殘主貪殘

卒起

卒起主虐亡見則禍無時諸變有萌臣折柄

白彗

白彗主犴強 皆太陰之精大司馬之位類乃白虎七宿之域有謀反苦恣虐為害主失秋政者冲為期 京房書太白之所生若星在參昴星在觜 若彗在畢竹彗在昴猿星在婁白彗在奎皆以庚寅日見有兩白方氣在其旁

天在

天在填星之變黑彗或璣星散而為之亦曰五星盈縮

之所生弓弩之象類大流星色蒼黑蛇行望之如有毛  
目亦云目羽長數尺或一疋布皎皎著天主反萌主射  
愚令見此則謀反之兵合射所誅亦為以亂伐亂又曰  
臣不忠民不良天下怨一曰政暴虐事已則天在見

被女

被女見則上下亂主勝之符

拂樞

拂樞見則主驚兵亂擾

滅寶

滅寶主伐亂

擾經

擾經見則妖孽興

駕理

駕理主相屠

大舊

大舊主祀邪

黑彗

黑彗主上歡 皆太陰之精真武七宿之域有謀反若  
恣虐為害主失冬政者冲為期 京房書辰星所生天  
美在壁天譏在室天柱在危天麻在虛天林在女天杵  
在牛端下在斗皆以壬寅日見有兩黑方氣在其旁

雜妖

雜妖一日天鋒二曰燭星三曰蓬星四曰長庚五曰填  
星六曰地維藏光七曰女帛八月積陵九曰盜星十日

瑞星十一曰昏星十二曰華星十三曰白星十四曰長星十五曰格澤十六曰濛星十七曰老子

天鋒

天鋒彗象形似矛鋒見則兵起

燭星

燭星如太白而不行不久而滅或曰星上有芒彗所燭城邑又曰見則有大盜不成又云青色憂兵黃並地白喜又曰若出東方戰不勝南方亡地西方其地

有喪兵勝北方亦勝

蓬星

蓬星大如三斗器色白又云色黃白方不過三尺又曰如夜光之光多即四五少即一二又曰西南高數丈左右銳出而易處其地受殃若出正東正南及東北不早則水五穀不成又曰如粉絮出北斗門則諸侯奪地又曰必有亂臣

長庚

長庚如一疋布著天見則兵起

填星

填星去地六丈或四丈許又曰大而赤去地二丈常以夜半時出四隅見則兵起其下

地維藏光

地維藏光一曰藏作咸大而赤去地二三丈如月始出或去地四丈而赤黃搖動類填星是謂中央之野星出於四隅東南旱東北大水西南兵西北天下大變

又曰地維藏光見則下有亂亂者亡有德者昌

女帛

女帛三大星出東北方或東北有星長三丈水木氣合之變也 見則為兵喪

積陵

積陵三大星出西南其方有星長三丈 見則隕霜兵

饑水戾

盜星

盜星三大星出東南或其方有星長三丈火木氣合之變也 見則盜蜂起

瑞星

瑞星出四隅土金木水火之風合之變也大而赤察之中黃數動長可四丈 所出兵大起

昏星

昏星出西北方有氣環之中赤外青 見則變易為兵先起者昌後兵者亡 高一丈則亂一年亂之年如其

丈數

華星

華星出北如有環 見則西北諸侯失地

白星

白星非星狀如削瓜 見則有男喪

長星

長星有黃赤環之 見則天下改易為水為殃

格澤

格澤熒惑之變也氣赤如火炎炎冲天上下同色東西  
亘天南北可長 五里見則兵起其下 伏尸流血

濛星

濛星一曰刀星夜有赤氣如矛旗長短四面西南最多  
亂之象也又曰遍天薄雲四方赤黃氣長三丈乍見沒  
尋見滅消見則為兵大戰流血

老子

老子色白淳淳然 所見之地為饑為凶為惡為怒為

喜為善又曰兵大起人主憂赦則除咎

客星

客星者亦妖星也前世術者為別篇而曰天之使也偶見於天而無常所入列舍以告休咎大而見久者事大而禍深反則事微而禍淺若芒角必有誅殺之象見而微小則有陰謀兵亂之事亦占其色青憂疾亦有芒角其下破軍殺將侵城奪邑黃得地而有土工白其分有兵喪黑為兵亡之象皆以宿次分野占之其名有

五一日周伯二曰老形三曰蓬絮四曰國皇五曰溫星

周伯

周伯與瑞星同而其異者非潤而光澤見則其下兵喪  
大饑民流

老形

老形皆占如雜妖之說災也明大而顯

蓬絮

蓬絮如粉沸沸然見其下兵饑或喪又為白衣會又白

色青熒惑之氣干之風雨不時蟲蝗旱焦枯而物不生

國皇

國皇色白而有芒角見則人主惡之饑疫水災兵起  
國多變

溫星

溫星色白而大如風雷搖 出四隅東南則兵將軍出  
於野東北西北暴兵千里西南則有地兵喪並起大水  
人饑

流星總序

流星者天之使五行之散精飛行列宿告示休咎自  
上而降或光跡相連皆曰流自下而昇曰飛至地  
曰墜星大或絕跡而去皆曰奔星大者使大星小  
者使小星出者使出入則使入聲隆隆者怒之象也  
行疾者期速遲者期緩大而無光者衆人之事小  
而有光者貴人之事大而光者其人貴且衆也乍明乍  
滅者賊敗成也前大後小者恐憂也前小後大者欣

喜也 蛇行者奸使也 徃疾者徃而不返也 長者其事長久也 短者事疾也 奔星所墜其下有兵流星出而無風雲良久乃入為大風折木發屋數者天下不安 急使馳驛 小星百數四面行者衆庶流移之象 芒而乍散有聲皆為怒之象也 占其色青為憂赤兵火黃喜土工白為兵刑黑為水為疾為死皆以休王日辰宿次分野占之

衆流星占

星者陰陽五行之精氣其體在下光耀在上衆官及物  
若非其行萬人不安 若星並流將軍並舉隨星所流  
繫之

五星自流

五星自流帝王不安其分饑荒敗亡之兆

流星飛星異狀

流星飛星異狀如甕者為發謀事起 如桃者乃使也  
如盆色白長數丈滅而雲裔天名查嶺所墜之地兵

戰流血 如盆而搖頭或上或下所上所下饑荒 如  
在光赤黑有啄梁星所墜兵起失地 色赤而照地所  
往有兵東為青齊南為吳越西為秦北為趙輝然有光  
光白橫天者人主之星隨星所之將相當之有尾狀如  
匹帛布其色蒼白為使赤論兵黑乃死喪 若甚大其  
光照地青赤流四旁五穀不成 有光青赤長三文曰  
天雁軍中起 散為八角者王者欲發使勞四方 圍  
城而有流過城及墜或繞營壘皆兵散之象 自敵上

來吾軍上者有謀者來期夜半及寅時 飛星若甕皎  
然白前卑後高搖頭而下乍上乍下此謂降石所下民  
食不足 星滅後白曲環如車輪此謂解冲其地人相  
斬為爵祿 長數尺星後白化為雲流下名大滑所下  
流血積骨 漫漫然長十丈許而委曲名天刑又名天  
飭所下之分將軍均疆土

星隕晝見

星晝隕曰營頭或有聲如雷野雉皆鳴羣鳥盡驚所墜

之地大戰覆軍流血千里 若六七八九晝見墜地為  
喪及旱流血民饑 若晝見橫天明者臣下圖議誅罰  
忠良 若夕見而前後向者若為大臣有逆謀 若夕  
墜而光耀天者其下兵疫

星隕如雨

星辰麗於天猶民之附於王也將叛去故星亦離矣而隕  
其占亂兵起陽失其位災害之萌星隕如雨諸侯強衆  
暴寡百姓離叛下反其上之象

星墜及異狀

凡星所墜其下兵饑大戰天下亂 墜而反復國君惡  
之國凶 衆星若墜人失其所 若人而俯言者善惡  
如其言 其墜皆從其類若國兵凶則為鳥獸天下將  
亂則為飛蟲天下大兵則為金鉄天下有水則為土國  
凶兵起則為草木或砂石將有喪則為龍 又以四時  
占之春武臣破害年穀不登夏為變易秋民凶冬其下  
有喪 又曰化為砂石水土金鉄木粟穀變人鳥獸形

骸皆為兵亂水旱兵喪流血列宿為山川之精或星墜  
為土石歸其本也

常星不見

常星不見無名之星見隱不常五星潛伏有數經星常  
見而不隱故曰常星若而不見即占如其所在 又曰  
常星不見列舍搖動百姓勞役

常星晝見

常星晝見陰勝陽衰則星日并見并出而爭明武弱文

強武女子出為兵喪大水奸臣上不明下縱橫 星書  
見虹不滅異人生 明奪日光天下亂大臣皇后弄政



靈臺秘苑卷十五